



**JUDICIAL SYSTEM MONITORING PROGRAMME**  
**PROGRAMA MONITORIZASAUN SISTEMA JUDISIÁL**

***Komunikadu Imprensa***

**7 Marsu 2014**

**Timor Leste komemora Loron Internasionál Feto: Inspirasaun ba mudansa iha feto nia saude, aihaan, no nutrisaun diak**

Iha 8 Marsu 2014 Timor-Leste selebra Loron Internasionál ba Feto nu'udar loron importante hodi fó rekoñesimentu ba kontribuisaun feto Timor-Leste no feto iha rai seluk no dezafiu ne'ebé sira enfrenta atu realiza igualdade. Tema baloron mundiál feto tinan ida ne'e mak **“inspirasaun ba mudansa iha feto nia saude, aihaan, no nutrisaun diak.”**

Situasaun reál iha Timor Leste agora hatudu katak presiza duni atendumtu ida ne'ebé mak sériu husi instituisaun relevante, hanesan Minstériu saúde, Ministériu Edukasaun no Ministériu Agrikultura. Atendumtu ida ne'e bele hamenus mortalidade feto sira liu husi asaun prevensaun. Protesaun ba feto sira nu'udar kestaun no responsabilidade ema hotu nian.

Alende saúde ne'ebé saudavel, feto sira presiza moris livre husi kualker forma violénsia hasoru feto, tanba ne'e komemorasaun ba tinan ida ne'e hafanu ita hodi bele hanoin hikas sofrimentu ne'ebé mak feto sira infrenta, Maioria feto Timor-Leste kontinua vulnerável iha aspetu oi-oin. Sira sofre ba violénsia doméstika, violénsia seksuál, diskriminasaun, abandona forma violénsia ho karakter jéneru sira seluk.

Iha kualker rezultadu monitorizaun sira JSMP nian iha tribunál distritál hatu iha Timor Leste, sempre rejista kazu ne'ebé involve feto hanesan vítima ba krime oi-oin kontra sira nia direitu no liberdade umanu.

“Aproveita loron feto internasionál ne'e, ema hotu bele fo kontribuisaun atu hamenus violénsia hasoru feto tuir ida-diak nia papel no responsabilidade. Hanesan estadu demokratiku elementu sidadaun hot-hotu tenke livre husi kualker forma violénsia no asegura protesauun adekuada ba sira ne'ebé nia direitu hetan violasaun, ” dehan Direitór JSMP Luis de Oliveira Sampaio.

Ba komemorasaun loron importante ne'e JSMP kongratula feto hotu iha mundu liu-liu feto Timor Leste ne'ebé mak sakrifika sira-nia an hodi proteje feto nia direitu no lori mudansa signifkante ba jersaun foun nia moris.

Atu hetan informasaun klean, favor kontaktu:

Luis de Oliveira Sampaio  
Diretór Ezekutivu JSMP  
Diresaun e-mail: [luis@jsmp.minihub.org](mailto:luis@jsmp.minihub.org)  
[info@jsmp.minihub.org](mailto:info@jsmp.minihub.org)

Telephone:3323883 | 77295795

Website: [www.jsmp.tl](http://www.jsmp.tl)

Face book: [www.facebook.com/timorleste.jsmp](http://www.facebook.com/timorleste.jsmp)

Twitter: @JSMPtl